



[Home](#) / [Habari](#) / [WIKI YA HUDUMA ZA FE...](#)

## WIKI YA HUDUMA ZA FEDHA KITAIFA KUPUNGUZA KIWANGO CHA UMASIKINI

20 Nov, 2023



Kamishna wa Idara ya Uendelezaji wa Sekta ya Fedha, Wizara ya Fedha, Dkt. Charles Mwamwaja (katikati), akizungumza na wanahabari kuhusu Maadhimisho ya Tatu ya Wiki ya Huduma za Fedha Kitaifa, yatakayotoa elimu kwa umma kuhusu umuhimu wa kutumia huduma rasmi za fedha ili kujikwamua kiuchumi na kupunguza kiwango cha umasikini nchini, yatakayofanyika tarehe 20 hadi 26 Novemba, 2023 katika viwanja vya Sheikh Amri Abeid, jijini Arusha. Kulia ni Meneja Msaidizi Idara ya Mawasiliano Benki Kuu ya Tanzania (BOT), Bi. Noves Moses na Kushoto ni Mrajisi Msaidizi wa Vyama vya Ushirika Mkoa wa Arusha, Bi. Grace Masambaji.

Wizara ya Fedha kwa kushirikiana na wadau mbalimbali wa Sekta ya Fedha nchini wameandaa Maadhimisho ya Tatu ya Wiki ya Huduma za Fedha Kitaifa yatakayotoa elimu kwa umma kuhusu umuhimu wa kutumia huduma rasmi za fedha ili kujikwamua kiuchumi na kupunguza kiwango cha umasikini nchini.

Hayo yameelezwu jijini Arusha na Kamishna wa Idara ya Uendelezaji wa Sekta ya Fedha, Dkt. Charles Mwamwaja alipokutana na kuzungumza na waandishi wa habari kuhusu maadhimisho hayo yatakayofanyika tarehe 20 hadi 26 Novemba, 2023 katika viwanja vya Sheikh Amri Abeid, jijini humo.

Alisema kutoptana na Utafiti wa FinScope wa mwaka 2023 nchini, ni asilimia 53.8 tu ya nguvu kazi wanatumia huduma rasmi za fedha ambapo kundi kubwa la Watanzania halifaidiki na huduma hizo hivyo kukosa fursa za kuboresha maisha yao kuitia shughuli mbalimbali za kiuchumi ambazo zingewawezesha kuchangia katika kukuza Pato la Taifa.

"Serikali inakusudia ifikapo mwaka 2025 takriban asilimia 80 ya wananchi watakuwa wamepata uelewa wa masuala ya fedha ikiwemo benki, bima na mifuko ya uwekezaji", alibainisha Dkt. Mwamwaja.

Alisema maadhisho hayo ni utekelezaji wa Mpango Mkuu wa Maendeleo ya Sekta ya Fedha wa Mwaka 2020/21 – 2029/30 ambapo elimu kwa umma ni moja ya maeneo ya kipaumbele katika utekelezaji wa Mpango huo.

"Madhimisho hayo pamoja na mambo mengine yanalenga kuwajengea wananchi uelewa kuhusu matumizi sahihi ya huduma za fedha, fursa zinazopatikana katika Masoko ya Fedha kuitia elimu ya fedha pamoja na namna bora ya kusimamia fedha", alisema Dkt. Mwamwaja.

Aliodgeza kuwa maadhisho hayo yanalenga kuwaunganisha wananchi, wajasiriamali na wadau wengine ili waweze kutumia fursa mbalimbali zinazotolewa na sekta ya fedha katika kukuza na kuimarisha biashara zao

Aidha, aliwakaribisha wananchi wa Arusha na mikoa ya jirani kushiriki maadhisho hayo ambayo yanafanyika bila kiingilio chochote.

Kwa upande wa wadau wengine ambao watashiriki kutoa elimu na huduma katika maadhisho hayo wamesema kuwa maandalizi ya maadhisho hayo yamekamilika na wapo tayari kutoa huduma.

Maadhisho hayo yanatarajiwa kuzinduliwa rasmi na Waziri Mkuu wa Jamhuri ya Muungano wa Tanzania, Mhe. Kassim Majaliwa siku ya Jumatano ya tarehe 22 Novemba, 2023.

**Mwisho.**

### Wasiliana Nasi

Jamhuri ya Muungano wa Tanzania

Wizara ya Fedha

Treasury Square Building 18 Jakaya Kikwete Road

S.L.P 2802,

40468 Dodoma.

Barua pepe: info@hazina.go.tz

Simu: +255 26 2160000

### Kurasa za Karibu

MOF Library

Misamaha ya Kodi

Taarifa kwa Vyombo vyya Habari

Matangazo

Maktaba ya Picha

Maktaba ya Video

### Tovuti Mashuhuri

Benki kuu ya Tanzania

Kitengo cha Kudhibiti Fedha Haramu

Mamlaka ya Mapato Tanzania

Ofisi ya Taifa ya Takwimu

Ofisi ya Rais - Menejimenti ya Utumishi wa Umma na Utawala Bora